

Gobierno lo mester aplica mes regla pa tur comerciante

Comerciantenan limpi ta repudia discriminacion Raoul

*BBO ta strangula henter comercio y miyonario favoreci

*Por spera problema den comercio si Plan Raoul sigui

ORANJESTAD(AAN)=
= Mientras Raoul Cohen
Henriquez ta trata na
conveniente comunidad con
bon su plan ta pa Aruba,
comerciantenan cu ta
yama nan mes
"comerciante limpi", ta
repudia loke a pasa cu
Caya Betico Croes.
DIARIO continuamente
ta worde acerca pa
comerciantenan, cu ta
mira nan negoshi y
establecimiento bay
atras, pasobra nan no tin
placa pa drecha nan
edificionan. Nan ta
considera cu loke ta pasa
cu e Plan Raoul, cu ta un
hombre rico cu no
mester di yudanza di
Gobierno, ta un abuso
awor cu comercio ta pasa
den problemanan serio
pa motibo di BBO.
Empresanan chikito, cu
casi no por tene nan
cabez riba awa, ta papia
di abuso grandi. Hasta
tin personanan cerca di
Raoul, cu ta bisa cu nan
tin verguena di loke
Raoul ta haci y cu
number di comerciante-
nan ta worde daña pa un
Gobierno, cu a abusa di
comercio y esnan cu ta
traha den comercio.

"Raoul tin placa, cu e no sa
mes kico haci cu placa. E ta
doño di tres edificio den
Caya Betico Croes so.

Ademas e tin Miyones cu el a
hereda. Pakico mester duna
Raoul tanto beneficio? E
abuso ta cu mientras Raoul ta
haya placa y tur tipo di
beneficio, Gobierno ta kibra
nos cu BBO," a worde treci
dilanti na DIARIO.

E comerciantenan ta muestra
cu nunca nan a pensa cu algo
asina por pasa na Aruba. Na e
momentonan aki, hopi
comerciante ta pasa den
temponan dificil. BBO a
baha benta considerabelmen-
te. Esey ta haci cu nan no tin
placa pa haci nada extra.
Hopi tin miedo cu nan no por
tene tur trahador den servicio
despues di cierto tempo,
pasobra situacion ta empeora
tur dia.

"Hopi di nos tin edificio cu
mester drecha. E aña aki no
por inverti den loke
normalmente ta inverti aden,
pasobra e placa mester bay

pa BBO. Ta tres porciento di
nos entrada Gobierno ta kita
for di nos mientras di otro
banda un Multi Miyonario
manera Raoul, ta haya un
caya na erfpacht," a worde
treci dilanti na DIARIO.

E situacion ta creando divi-
sion tremendo den mundo di
comercio, cu ta papia di
discriminacion pisa. "Tres
porciento di BBO pa luna a
cambia henter nos situacion
financiero. Ademas e aña aki
turismo a cay. Publico local
no tin entrada pa cumpra
manera costumber. Ta sigur
cu ora temporada di haci
compras pa pone nos stock
na nivel, nos mester haci
prestamo na banco, usa nos
linea di credito. Si nos tende
di Banco Central cu no por y
Raoul si por sigui hipoteca
caya, ta problema serio ta
bay tin," un comerciante a
trece dilanti.

Tin empresa chikito cu a
muestra DIARIO con
situacion di nan edificio ta. E
aña aki nan mester usa nan
reservanan pa entre otro
drecha daknan pa evita cu
den temporada di yobida,
nan por haya nan mes cu
mercancia cu ta dañá. Ora
nan mira Raoul ta proclama
kico e ta bay haci, rabia ta
drenta nan, manera nan ta
bisa.

Tur cos ta indica cu ainda e
ultimo palabra no a worde
bisa den e asunto di Caya
Betico Croes, cu ta causando
division serio cerca esnan cu

BBO ta suta y ta den
problema mientras e
Miyonario Raoul si por haya
un caya pa drecha su
situacion.

"Cuanto negoshi tin den
Caya Betico Croes cu lo
favorece di e Plan Raoul? Tin
mucho mas pafor di Caya
Grandi. Si e Plan di Raoul
sigui, por spera problema
serio. E ta un abuso grandi
contra comerciantenan
limpi, cu no ta bay abusa di
favor di Gobierno, pa
favorece un Miyonario," a
worde bisa na DIARIO.

TELEFONNAN DI DIARIO
582-6747- FAX 582-8551

PLACA KING!!




**BEST
DEAL**

Tel: 5827100

(Pariba di Aruba Bank, Paradera)

Maletin
pa scol



**SPECIAL
PRIJS**